



Gelê Yahûdî, Îsraîl û Dewleta Tirk.

Cagro Şêxmûs

Gelê Yahûdî, gelekî qedîm-kevnar e. Nakokiyên dûr û dirêj du navbêna gelê Erebb û Yahûdî de derbas bûne. Bi derketina ol'a Îslamêre, nakokiyên di navbêna gelê Erebb û Yahûdî de vergeriya ye birînek kûr û bê derman.

Di dinyayê de, heya Ol û bawermendên olan hebin bi taybetî olên Cihû û Îslamê li ser piyanbin, çareseriyê di navbêna bawermendên ola Cihû û Îslamê de çênabe wê çênebe.

Bawermendên Cihû û Misilman vê yekê baş zanin û dewletên cîhanê yên xwedî bandor jî, ji vê rewşê sûd verdigrin.

Gelê Erebb bi piranî gelekî misilmanan û li gorî pirtûka misilmanan ya pîroz Kur'anê tevdigere, hebûna gelê Cihû naxwaze, nikare bixwaze.

Gelê Cihû, di sala 1948'an de bi biryara Neteweyên Yekbûyî dewletek bi nave Îsraîl ava kiriye û ev dewlet li gorî ol'a Cihûtiyê tevdigere û xwe xwediyê axa mijara gotinê dibîne û vê dozê dişopîne, dimeşîne.

Ji avakirina dewleta Îsraîl, sala 1948'an û vird de şerê navbêna dewletên Erebb û dewleta Îsraîl û bi taybetî şerê navbêna dewleta Îsraîl û gelê Filîstînî ranwestiya ye.

Bi alîkariya Emerîka, dewletên Awrûpa û yekcaran hin ji dewletên Erebban û dewleta Tirk, herdem dewleta Îsraîl di van şeran de bi ser ketiye. Her çiqas ev rewş jibo rêvebirên dewletên Erebban ne gelekî xem jî be, gelê Erebb (Misilman) ji vê rewşê gelekî neçar û bê zar e.

Ev mijar hebikî teng tê guftugokirin. Mijar ne Filîstîn e, mijar alema Îslamê bi giştiye. (Dewletên Erebban, rêvebirên dewletên ku bi misilmaniyê tên naskirin ne mijara gotinêne.)

Mijar ne dewleta Îsraîl e, dewleta Îsraîl divê ji Emerîka û dewletên Awrûpa cuda neyê dîtin.

Li gorî rewşa hale hazir kesek li çareseriyek bi giştî nagere. Ji xwe hêzek ku karibe pirtûkên miqedes Kur'an, Încîl û Tewratê ji hole rake xuya nake û kesek nikare dîtinên di Kur'an û Tewratê de biguhere. Heger vê demê ev xeyalbe di destên me de, çareseriyên dem buhrîn û berjewendiyên dewletên xurt ya jî hin dewletên ku dixwazin di bazara parvekirina sêemîn de para xwe zêdebikin xuya dikan.

Dewleta Tirk, yek ji wan dewleta ye ku di parvekirina mijara gotinê de dixwaze xwedî bandor be û para xwe zêde bike. Rewşa dewleta Tirk û çeteyên ku bi nave Ergenekonê derketine hole dişibihin hevdû.

Di destpêkê de, Ergenekon li dijî gelê Kurd û misilmanan ket nava tevgerê. Bi dirêjbûna demê re bi sere xwe tevgeriyên û îdeolojî û berjewendiyên xwe histin pêşiya hemi tiştî. Û ya herî grîng ketin dijî berjewendiyên dewleta Emerîka Weku bapîran gotiye; 'Bizina ku ecelê wê tê, nanê şivan dixwe.' Dewleta Tirk bi xwe jî di heman rewşê de ye. Dewletên Awrûpa ji wan re dewletek damezrandin û demek dirêj ew xwedî kirin, bi endametiya Nato're Emerîka ji heman dewletê re bû bav û ew jibo berjewendiyên xwe bikar anî. Di destpêka parvekirina sêemîn de, Tayîp Erdogan-Misilmanên liberal (Minafik) kir hikûmet û alîkariya wan kir û bi heman alîkariyê îro dixwaze wan weke maşîkîkê bikar bîne û rêvebiriya dewleta Îsraîlê veguwerîne li gora demê.

Ê yekcaran 'hisabê mal û sûkê li hevdû dernakeve.' Dewleta Tirk ketiye çav xwe. Ew dibêje Misilman hemû bi min re ne. Ji xwe wisa xuya dike. Misilmanên ji rêvebiriya dewletên xwe bêzar bûne, ji xwe îro nabînin ku dewleta Tirk misilmanî histiye torbeyê tirkîtiyê û bi mile Emerîka ve dalqandiye û heman dewletê, dewletik misilman û Serok Wezîr Erdogan jî weke Xelîfe dibînin. Lê ne dîrok wisa dibêje û êdî rastî demên dirêj nema bincil dimîne. Lê bahrê giran ketiye ser milê gelê Kurd. 'Kesên biçin masiyan wê şil bibin.' Heger gelê Kurd li mafê xwe xwedî derket wê rastî di demek ne dirêj de derkeve hole.

Lê mixabin çawa hin ji gelê Kurd li dijî Ermenîyan, li Korê û li Kibrisê bikar anîn roja îro jî hin misilmanên Kurd jibo berjevendiya dewleta Tirk di politika Erdogande bikar tên. Heyf û xebînetên van mirovan. Lê rastî ev e, me têra xwe nekir û merovên xwe şiyar û zane nekir.

Ew kesên me yê bi dû politika dewletê de di van rêyan de diçûn û dicin weke 't..... bi golê de biçê' bê ser û ber çûn û wê biçin.

Dermanê birîna gelê Kurd, rêxistin û berxwedan e. Îro ne dema li kin û dirêj- zeîf û qelew bê temaşekirin. Her kes û çî ji kê hat.

Dema 'ker dikeve heriyê yê herî xurt xwedi ye.'

Hazîran 2010